

SCRIPT OF MORNING GOJRI NEWS BULLETIN 28FEB 2025

1015HRS

مارنگ گجری نیوز بولٹن 28 فروری 2025

یوہ آکاشوانی جموں باغ علی طاہر تیں خبر سُنو۔

LG SAMMAN

لیفٹیننٹ گورنر منوج سنہا نے مصنوعی زہانت مانہ ترقی غی خاطر مجموعی طور ور ترقی بابت سماجی بروہری تے نوجوانان غی باختیاری غی ضرورت ور زور پایو وے جموں مانہ خواتین کلب میری پہچان غی طرفوں مہاراجہ ہری سنگھ ڈوگرہ سمان ایوارڈ ۲ ہزار ۵۲۰ روپے ل کرن آلاں غا اعزاز مانہ منعقد کی گئی اک تقریب مانہ ہو۔ رہیا تھا اس موقع ور بولتا وان اُنہاں نے سماجی تے اقتصادی تبدیلی غی خاطر ر۔ غے کوشش کیا جان غی ضرورت ور زور دتو۔ اُنکو کہنو تھو جے وکست جموں کشمیر غا سفر مانہ بہادر فوجی جوانان سماجی سیکٹراں غا لیڈراں کسانان کاروباریاں نوجوانان تے خواتین غا تعاون غی لوڑ ہے اس تقریب غے دوران بہترین کارکردگی غا اعتراف مانہ بھارتی فوج غا رٹائرڈ جوانان تے سماجی کارکنان نانہ نوازیو گیو۔

DY CM

نائب وزیر اعلیٰ سریندر چوہدری غو کہنو ہے جے سرکار جموں کشمیر مانہ جامع تے مجموعی ترقی غی وعدہ بند ہے وے نبارڈ غے تحت بڈگام مانہ ۴۱ کروڑ ۵۱ لکھ روپیاں غی لاگت سنگ بنن آلا چيو دارا بیرواں پُل گو نیں پتھر رکھیا جان غا موقع ور ہو۔ رہیا تھا اس پُل غی تعمیر غو مقصد علاقہ گا لوکاں نانہ بہتر سڑک رابطو مہیا کرانو ہے نائب وزیر اعلیٰ نے اس موقع ور افسران نانہ ہدایت کی ہے جے اس پُل غی تعمیر مقررہ مدت غے اندر اندر مکمل کی جائے۔ تے اس سلسلہ مانہ موجود رُکاوٹاں نانہ دور کیو جائے۔ اس غے بعد وے ٹاون ہا۔ مانہ بکھ بکھ وفداں سنگ ملاقی ہوا تے تیز تر ترقی موثر انتظامیہ مہیا کران تے شکائیتاں غا فوری ازالہ بارے سرکار غا وعدہ نانہ دہرایو۔

RANA WATER SCHEMES

جل شکتی محکمہ غا وزیر جاوید احمد رانا جل جیون مشن غے تحت پونچھ غا منکوٹ بلاک غا گرایاں بروی چوکی تے شیخاں بارجا مانہ پانی سپلائی سکیمان غو افتتاح کیو بالترتیب ۳ کروڑ ۵۸ لکھ تے ۲ کروڑ ۲۸ لکھ روپیاں غی لاگت سنگ تعمیر کیا گیا ان پروجیکٹاں سنگ علاقہ غا کوئی ۷ ہزار غے قریب افراد نانہ قائلو پُجے گو اک عوامی رسائی پروگرام مانہ بولتا وان وزیر مو۔ وف نے پانی غا تحفظ تے ایسی سکیمان غا فروغ بارے کیا گیا سرکار غا وعداں نانہ پوراں کیا جان غو فرعہد کیو۔ اُنہاں نے پانی غا تحفظ مانہ عوامی شرکت ور زور دیتا وان بہتر انتظامیہ غی خاطر ایسا عوامی رسائی غا پروگرام لگاتار منعقد کیا جان غی ضرورت وی ظاہر کی جناب رانا افسران نانہ ہدایت کی ہے جے وے عوامی مفاد غا جاری ترقیاتی کماں مانہ تیزی لیاویں۔

JK COMMISSION

اک اہم قدم مانہہ پسماندہ طبقات بارے کمیشن نے اپنو سفارشات کل چیف سیکرٹری اٹل ڈلو نانہہ پیش کی۔ جسٹس رٹائرڈ جنک راج کوتوا □ غی قیادت مانہہ بنایا گیا اس کمیشن نانہہ او بی سی طبقات کی نمائندگی بارے تجرباتی سروے کیا جان غو کم سوپیو گیو تھو جس غے تحت شہری تے گرائیں مقامی اداراں مانہہ ان طبقات غا متناسب تخصا ص غی سفارش کی جانی تھی اس کمیشن غی مدت پہلاں گزشتہ سا □ غا سدمبر مہینہ مانہہ مکمل ہو گئی تھی جس مانہہ بعد مانہہ اس سا □ غا فروری مہینہ توڑی غی توسیع کی گئی تھی یہ سفارشات ایسا وقت مانہہ پیش کی گئی ہیں جد جموں کشمیر مانہہ شہری تے پنچائتی اداراں نانہہ اجوں نمائندگی حا □ ل نہیں ہے۔

IGP JAMMU

علاقہ مانہہ حفاظتی بندوبست مزید تگڑا بنان تے امن قائم رکھن غی خاطر جموں گا انسپکٹر جنرل پولیس بھیم سین ٹوٹی نے دوڈھ کشتواڑ رام بن رینج غا دور دراز حالیہ دورہ غے دوران سلامتی تے جرائم غا جائیزو لیو اپنا دورہ غے دوران انہاں نے سلامتی □ ورتحا □ جرائم غا رجحانات تے ایجنسیاں بشکار تہ □ میل غو خصو □ ی جائیزو لیو دورہ غے دوران آئی کی پی مو □ وف نے علاقہ مانہہ امن تے استحکام نانہہ برقرار رکھن بارے اقدامات یقینی بنان غی ضرورت ور زور پایو۔

HEAVY RAINS ACC

جموں خطہ مانہہ بارش غی وجہ نا □ متی غا تودا پین تے سیلانی □ ورتحا □ سنگ زندگی متاثر ہوئی ہے ضلع پونچھ غا سورن دریا مانہہ دڑ غے افراد ہلاک ۳ دوجا زخمی ہا گیا ہیں۔ پونچھ مانہہ ہی ایک بور واقع مانہہ اک بڑو پتھر رڑ غے سی۔ آرپی ایف غی اک گڈی ور آ لگو جس غا نتیجہ مانہہ گڈی گو ڈرائیور ہلاک ہو گیا۔ اواں ضلع ریاسی غا ماہور علاقہ گا سنگور نالہ مانہہ سیلاب غی زد مانہہ آغے ۴۱ براں گو اک لڑکو ہلاک ہو گیا ہے۔

TRAFFIC

لگا تار ہو رہی بارش غی وجہ تیں گزشتہ شام جموں سرینگر قومی شاہراہ ور پتھر آجان غی وجہ نا □ ناشری تے نوو یگ ٹینل غے بشکار شاہراہ ور گڈیاں غی آؤ جائی روک دتی گئی ہے محکمہ موسمیات نے اج اچا پہاڑی علاقان مانہہ برف باری تے باری بارش غی پیش گوئی کی ہے مسافراں نانہہ □ لاج دتی گئی ہے جے وے پہاڑی شاہراں ور بغیر ٹی سی یوز غی □ لاج غے سفر نہ کریں قومی شاہراہ بارے جانکاری حا □ ل کیا جان غی خاطر ان موبائل نمبرات ور رابطو کریں 9419993745. 18001807043

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو

پینل بنان خاطر درخواست منگی گئی ہیں مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک ویں تے ان غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا □ حافت غا شعبہ مانہہ

ڈگری یافر تسلیم شدہ یونیورسٹی تیں گرجویشن غے ہمراہ 2 براں غو □ حافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہہ تجربو وی ضروری

ہے۔ عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے ضلع □ در دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئندہ 7 مارچ توڑی دے سکیں۔ اس بارے مزید جانکاری ویب ور www.newsonair.gov.in سائیٹ دستیاب ہے۔
